

# Tuzla - Održana radionica za učenike srednje škole

11.04.2012 12:26



Službenici PS "Centar" - PU Tuzla (Odjeljenja krim. policije i službenik policije zadužen za rad sa zajednicom) su dana 10.04.2012.godine, održali dvije edukativno-preventivne radionice za učenike JU Mješovita srednja elektrotehnička škola Tuzla, u saradnji sa službenicima Odjeljenja za borbu protiv maloljetničke delinkvencije i nasilja u porodici MUP TK-a i predstavnicima navedene škole, s ciljem poboljšanja ukupnog stanja sigurnosti.

Tokom radionice, učenici i nastavno osoblje su upoznati sa krivično-pravnim aspektima maloljetničke delinkvencije, postupanju policije prema maloljetnicima, krivično-pravnoj zaštiti djece i maloljetnika, s akcentom na problematiku lažnih dojava o postavljenim eksplozivnim napravama u školama.

Kada je riječ o lažnim dojavama eksplozivnih naprava u srednjim školama TK-a, odnosno krivičnom djelu "Zloupotreba znaka za pomoć i opasnost", Ministarstvo unutrašnjih poslova Tuzlanskog kantona je od početka 2012.godine evidentiralo ukupno 10 ovih KD-a (8 slučajeva u Tuzli i 2 u Kalesiji), od čega je operativnim radom policije 6 KD-a rasvijetljeno i nad 5 lica je izvršena kriminalistička obrada, zbog postojanja osnova sumnje da su počinili navedeno krivično djelo.

MUP TK-a apeluje na sve građane, prije svega nastavnike i roditelje, da sa svoje strane ukažu na ovaj problem u cilju njegovog sprečavanja, dok službenici policije nastavljaju rad na rasvjetljavanju istih i poduzimanje neophodnih mjera i radnji na suzbijanju i sprečavanju ove negativne pojave, a sve u cilju unapređenja sigurnosti školske populacije i općeg stanja sigurnosti na području Tuzlanskog kantona.

---

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>